

**Vischnaunca da Mustér**

# **Regulativ da hidrants**

**1992**

- Art. 1 Proprietad  
2 Erecziun e manteniment  
3 Contribuziuns communalas  
4 Damonda  
5 Diever  
6 Temps d'unviern  
7 Disturbis  
8 Vigur

**Art. 1**

Proprietad

Ils hidrants fuorman ina part integrala dalla reit principala dallas corporaziuns d'aua. Els ein proprietad dallas corporaziuns.

**Art. 2**Ereziun e  
manteniment

Las corporaziuns ein obligadas d'ereger e da mantener ils hidrants sco era da procurar per sufficienta aua da stizzar en cass da fiug.

**Art. 3**Contribuziuns  
communalas

La vischnaunca separticipescha cun contribuziuns vid ils cuosts dils hidrants sco suonda:

- a) Tier l'ereziun da hidrants presta la vischnaunca ina contribuziun en la medema altezia dalla subvenziun dil Cantun.
- b) Tier manteniment e reparaturas munta la contribuziun a 25 % tochen 40 % tenor la situaziun finanziaria dalla corporaziun.
- c) Tier dislocaziuns da hidrants separticipescha la vischnaunca cun ina contribuziun da 50 % vid ils cuosts da dislocaziun.

**Art. 4**

Damonda

La damonda per ina contribuziun ei d'inoltrar alla suprastanza communalava on ch'entscheiver cun las lavurs.

**Art. 5**

Diever

En cass da fiug e catastrofa ha la vischnaunca il dretg da duvrar ils hidrants illimitadamein.

Per tut ils auters dievers ha la vischnaunca il dretg da duvrar ils hidrants destinai. Auters hidrants astgan mo vegnir duvrai excepziunalmein cun il consentiment dalla corporaziun correspudenta.

**Art. 6**

La vischnaunca s'oblighescha da far liber ils hidrants dalla neiv e da signalisar tals ch'ei periclitai entras il crie da neiv.

Temps  
d'unviern

**Art. 7**

Disturbis dils hidrants ein d'annunziar immediatamein alla suprastanza dalla corporaziun d'aua pertuccada.

Disturbis

**Art. 8**

Quest regulativ ei vegnius approbaus dil cussegl da vischnaunca en la seduta dils 14 d'uost 1992. El remplazza il regulativ dils 19 da december 1984 e passa en vigur cun igl 1. da schaner 1993.

Vigur

Il president communal:  
Simon Camartin

Il canzlist communal:  
Francestg Cajacob